

**VI. ANUNCIOS****A) ADMINISTRACIÓN AUTONÓMICA****CONSELLERÍA DE ECONOMÍA E INDUSTRIA**

*RESOLUCIÓN do 24 de xullo de 2026, do Departamento Territorial de Ourense, pola que se conceden as autorizacións administrativas previa e de construción de instalacións eléctricas no concello de Padrenda (expediente IN407A 2026/081-3).*

Visto o expediente para o outorgamento das autorizacións administrativas previa e de construción das instalacións eléctricas que se describen a seguir, tal e como se recollen no proxecto asinado o día 15.6.2026 polo enxeñeiro técnico industrial Rubén Francisco Fernández Vayo, colexiado número 2.880 do COITIVigo, e visado o mesmo día polo citado Colexio Profesional co número 22600825.

Solicitante: San Miguel 2000 Distribución Eléctrica, S.L.

Enderezo: rúa Coruña, 20, Tui, 36700 (Pontevedra).

Denominación: Modificación CTA Pardellas.

Situación: lugar de Pardellas, concello de Padrenda.

Orzamento: 26.078,11 €.

Características técnicas:

- Substitución do transformador aéreo existente no lugar de Pardellas, de 50 kVA, por un novo transformador de 160 kVA, xunto con toda a súa aparellaxe asociada.

Cumpridos os trámites ordenados na Lei 24/2013, do 26 de decembro, do sector eléctrico, e no capítulo II, título VII, do Real decreto 1955/2000, do 1 de decembro, polo que se regulan as actividades de transporte, distribución, comercialización, subministración e procedementos de autorización de instalacións de enerxía eléctrica, e na Resolución da Consellería de Economía e Industria, do 19 de febreiro de 2014, pola que se aproba o procedemento de autorización administrativa de construción (DOG núm. 54, do 19 de marzo), así como na Lei 9/2021, do 25 de febreiro, de simplificación administrativa



e de apoio á reactivación económica de Galicia (DOG núm. 39, do 26 de febreiro), esta dirección territorial

**RESOLVE:**

Conceder as autorizacións administrativas previa e de construción ás ditas instalacións, cuxas características se axustarán en todas as súas partes ao proxecto arriba sinalado e ás condicións técnicas e de seguridade establecidas nos regulamentos de aplicación.

Esta autorización outórgase sen prexuízo das concesións e autorizacións que sexan necesarias, de acordo con outras disposicións que resulten de aplicación e en especial as relativas á ordenación do territorio e ao ambiente.

O prazo de posta en marcha das instalacións que se autorizan será de seis meses, contado a partir da data da última autorización administrativa necesaria para a súa execución.

Contra esta resolución, que non é definitiva na vía administrativa, cabe interpoñer recurso de alzada ante a conselleira de Economía e Industria no prazo dun mes, contado a partir do día seguinte ao da notificación ou publicación desta resolución, conforme o establecido no artigo 122 da Lei 39/2015, do 1 de outubro, do procedemento administrativo común das administracións públicas, sen prexuízo de que os interesados poidan interpoñer calquera outro recurso que consideren pertinente.

Ourense, 24 de xullo de 2026

Jorge Pumar Tesouro  
Director territorial de Ourense

CVE-DOG: mq12ja6-fau5-yb99-clc0-pdtr2yd8uw5

